

X.

A. F. DE RETZ, *Sacrae Poenitentiariae Regens.*

F. FRICCA, *Sacrae Poenitentiariae Secretarius.*

Concordat cum originali in actis Cancellariae Episcopalis Vesontionensis existente, ideoque ut reimprimatur permittimus.

Novariae in Episcopali Cancellaria die 15 Junii 1840.

C. AVOGADRO A. VALDENGÖ.

L. S.

Emmi. Epi. Auditor gen.
P. PIZZALÀ. Pro-Canc. Ep.

DE LEGIBUS.

1. CONTEMPTUS legis, ut sit mortal is, debet esse formalis, qui tunc est, cum aliquis ideo transgreditur legem, quia lex est, et illi non vult subjacere.

2. Lex mixta videtur obligare ad poenam, et culpam.

3. Lex humana obligat cum gravi incommodo, si hoc postulat bonum publicum, vel si transgressio redundaret in contemptum fidei.

4. Lex humana videtur tollere naturalem obligationem, v. g. in contractibus et testamentis initis sine

solemnitatibus, in debitis filiorum familiis; et tunc non adesset obligatio solvendi.

5. Possunt apponi impedimenta extrahentia ab obligatione legis humanae, non autem impedimenta de obligantia: hinc potest quis licite alio pergere, ne festum servet; et e contra non potest sine justa causa laborem assumere, quo prævidet jejunium impeditum iri.

6. Leges Summorum Pontificum obligant post promulgationem Romæ factam eos quibus innotescunt, præsertim si sint apposita clausulae, id est: *Ut autem presentes Litteræ ad omnium notitiam facilius deveniant, etc., et alia: Volumus autem, ut presentium Litterarum transumptis, etc.*

7. Epistolæ Pontificiæ, Responsalia, sive Declarationes non insertæ in Corpore juris, dummodo sint sufficienter promulgatae, obligant.

8. Decreta S. Congregationis Rituum habenda sunt ut oracula Pontificis; ejus vero Declarationes, ut responsa sapientissimorum viro-

rum. Declarationes aliarum Congregationum, nuli dubium, quod in casibus particulibus, pro quibus fiunt obligant, ut leges.

9. Lex pœnalis fundata in falsa præsumptione facti non obligat; qui solvit potest sibi compensare.

10. Pueri non videntur statim post adeptum usum rationis teneri legibus Ecclesiæ; tenentur tamen legi anuæ Confessionis, si mortaliter peccaverint; ex capite: *Omnis utriusque sexus (de Pœnit.): etiamsi nondum septimum annum attigerint.*

11. Peregrini non tenentur legibus suæ patriæ, nec videntur teneri legibus alterius loci, nisi habeant ibi quasi domicilium; a pari Episcopus non potest dispensare cum illis.

12. Dispensationes a sacra Pœnitentiaria possunt obtineri pro incio, et invito, modo a Confessario, vel a consanguineo usque ad quartum gradum.